



Project funded by the
European Union

Regional Programme on Local Democracy in the Western Balkans 2 ReLOaD2



PYETJE TË SHPESHTA MBI THIRRJET PUBLIKE PËR PROJEKT PROPOZIME NGA ORGANIZATAT E SHOQËRISË CIVILE TË HAPURA NË GJASHTË BASHKI PARTNERE TË PROJEKTIT ReLOAD2 NË SHQIPËRI: KAMËZ, KAVAJË, KUKËS, LUSHNJË, PATOS DHE SARANDË

Në cilën gjuhë duhet të plotësohet dokumentacioni i aplikimit?

Gjuha e thirrjes është gjuha Shqipe.

A duhet të noterizohet dokumentacioni mbështetës, si psh. dokumentacioni ligjor për organizatën zbatuese?

Dokumentacioni i nevojshëm për të aplikuar, përfshirë dokumentacioni ligjor dhe financiar i organizatës/ave nuk është e nevojshme të noterizohet. I gjithë dokumentacioni duhet të dorëzohet në tre kopje fizike dhe një kopje elektronike (USB).

Sa projekt propozime mund të paraqesi një organizatë për thirrjen? A ka penalizim nëse një organizatë aplikon në thirrje me një projekt si organizatë lider dhe një projekt si organizatë partnere?

Organizata (e vetme ose në partneritet) mund të paraqesi më shumë se një projekt propozim. Kushte të thirrjes nuk parashikojnë penalizim për paraqitjen e më shumë se një aplikimi (si në cilësinë e aplikantit kryesor ashtu dhe në cilësinë e partnerit). Aplikantët duhet të mbajnë në konsideratë se shuma e projekt propozimeve të dorëzuara në të gjitha cilësitë dhe thirrjet nuk duhet të tejkalojë shumën 7,000,000 Lekë.

A është thirrja e hapur vetëm për organizata që janë regjistruar dhe kanë veprimtari në gjashtë bashkitë partnere?

Thirrja është e hapur dhe e barabartë për të gjitha OShC-të që janë zyrtarisht të regjistruara dhe në përputhje me dispozitat ligjore në fuqi në Shqipëri.

A mund të bëhet kombinimi i dy ose më shumë prioritetëve në një projekt propozim?

Projekti duhet të trajtojë të paktën njërin prej prioritetëve të thirrjes. Trajtimi i dy ose më shumë prioritetëve të thirrjes është i vlefshëm.



Project funded by the
European Union

Regional Programme on Local Democracy in the Western Balkans 2 ReLOaD2



Cili është numri i kopjeve të dokumentacionit që duhet dorëzuar nga organizata partnere?

Organizata partnere, njësoj si organizata lider duhet të dorëzojë dokumentacionin e plotë në tre kopje fizike dhe një kopje elektronike (USB).

A mund të jetë zbatimi i një projekti në kuadër të thirrjes përtej territorit të bashkisë ku është hapur thirrja?

Projektet duhet të parashikojnë aktivitete, grupe të synuara dhe të zbatohen ekskluzivisht në territorin e Bashkisë në thirrjen e së cilës po aplikojnë.

Cilat janë kriteret që duhet të plotësojë një subjekt për të qënë partner në projekt?

Partnerë në projekt mund të jenë organizata të tjera të shoqërisë civile, që plotësojnë kërkesat e thirrjes për aplikantët. Partnerët marrin pjesë në planifikimin dhe zbatimin e projektit, duke patur të njëjtat rregulla për shpenzimet sikurse dhe organizata lider. Partneri dhe organizata lider, si pjesë e paketës së aplikimit duhet të kenë të plotësuar dhe përfshirë dhe Deklaratën e partneritetit (Shtojca A).

A mund të aplikojë një media? A mund të përfshihet si partner?

Thirrja është e hapur vetëm për organizatat e shoqërisë civile të regjistruara sipas legjislacionit në fuqi në Shqipëri. Një subjekt i medias mund të përfshihet si bashkëpunëtor i organizatës, por jo partner i organizatës zbatuese. Kriteret e pranueshmërisë për aplikantët janë të njëjta dhe për partnerët.

A do të ketë bashkëfinancim nga organizatat?

Jo. Kushtet e thirrjes nuk kërkojnë bashkëfinancim nga organizatat zbatuese të projektit.

A është kusht skualifikues mospasja e një përqindje bashkëfinancimi nga ana e organizatës aplikuese në buxhetin e përgjithshëm të projekt propozimit, dhe nëse po sa është kjo përqindje minimalisht?

Jo. Thirrja nuk kërkon bashkëfinancim nga organizata zbatuese (dhe/ose organizata partnere).



Project funded by the
European Union

Regional Programme on Local Democracy in the Western Balkans 2 ReLOaD2



Çfarë duhet të përfshijnë pasqyrat financiare të dorëzuara nga aplikanti?

Pasqyrat financiare të vitit paraardhës (2020) duhet të jenë të plota dhe të përfshijën bilancin, pasqyrën e të ardhura-shpenzimeve, cash-flow, shënimet shpjeguese dhe të jenë të firmosura nga kontabilisti i miratuar ose finacieri i OShC-se sipas kriterëve në fuqi. Përfshirja nga dorëzimi i pasqyrave financiare bëjnë organizatat që janë themeluar gjatë vitit 2021.

Sa mund të jetë kohëzgjatja e një projekti?

Kohëzgjatja e një projekti mund të jetë minimumi 6 muaj dhe maksimumi 12 muaj.

Sa mund të jetë buxheti për një projekt?

Buxheti për një projekt mund të jetë minimumi 700,000 Lekë dhe maksimumi 2,000,000 Lekë.

A ka fleksibilitet për paraqitjen e ndryshimeve në projekt pas dorëzimit dhe vlerësimit të tij?

Organizata projekt propozimi i së cilës është shpallur i suksesshëm, para se të ftohet për të nënshkruar kontratën e grantit, ftohet për të komunikuar kontratën dhe nëse është e nevojshme të bëhen disa modifikime në projekt për ta harmonizuar me rregullat dhe procedurat e zbatimit. Ndryshimet gjatë zbatimit të projektit i nënshtrohen rregullave që ReLOaD2 dhe Bashkia do të komunikojnë me organizatat e suksesshme.

Çfarë konsiderohet konflikt interesi në kuadër të thirrjes/ve?

Organizatat që janë subjekt i konfliktit të interesit sipas parashikimeve në dispozitat e Ligjit Nr. 9367, datë 07.04.2005, i ndryshuar “Për parandalimin e konfliktit të interesave në ushtrimin e funksioneve publike” do të përjashtohen nga pjesëmarrja në thirrje. Gjithashtu, paraqesin konflikt interesi projekt propozimet/organizatat ku: drejtori ekzekutiv, anëtarët e bordit apo personat e planifikuar për t’u përfshirë në projekt janë të punësuar në bashkinë ku aplikohet apo institucionet e saj të vartësisë, në pozicionet: zyrtar i nivelit të lartë dhe të mesëm drejtues sipas legjislacionit të shërbimit civil, si dhe anëtar i Këshillit Bashkiak, anëtar i Kabinetit të Bashkisë.

Kur dalin përgjigjet për aplikimin?

Rezultatet publikohen dhe iu komunikohen të gjithë aplikantëve (si fituese dhe jo-fitues) brenda 30 ditë pune nga mbyllja e thirrjes publike.